



H131.5

1

通雅二十四

官制



臺主憲長也 秦御史大夫佐上卿漢仍之選郡守相高第爲之任職者爲丞相復置兩丞一曰御史丞一曰中丞成帝更名大司空元魏踵此而中丞出外爲臺主夏名御史長史魏初改中丞爲宮正晉歷南北朝竝不置大夫以中丞爲臺主唐因隋設大夫一丞二後改爲司憲不久復故宋仍唐而無大夫以中丞爲臺長今則猶西漢也中丞至六朝鹵簿出入千步絳騶清道與皇太子分道王公遜避嘗曰避中丞赤棒唐制大夫中丞午後三刻出迴避宰相如午前出宰相迴避大中大夫節卿曰丞相猶太宰御史大夫猶小宰御史之中丞少府之尚書猶宰夫大長秋猶內宰而屬少府自成帝時中丞始不得居中制事而光武政歸臺閣不任三

公此周官之大體所必不可復也按漢表成帝省詹事并屬大長秋而少府下言諸僕射署長中黃門皆屬

持書御史即治書也嚴延季傳注天子欲有拜詔持書御史發符下太尉通典曰中丞舊持書侍御史也胡廣曰宣帝齋居浚事令侍御二人治書魏置治書執法隋先于相府置察非掾後改爲治書侍御史唐爲中丞漢表在殿中蘭臺掌圖籍外督舉劾建武中特詔與司隸校尉尚書令三司各專席而坐曰三獨坐梁重其選給三騶執盛印青囊後魏北齊曰南臺或曰南司唐御史臺門北闕取陰殺也宋天禧時置言事御史六員元豐復六察以御史專領漢御史乘屬者天子出御史除二人爲乘曹護車馬或紀御史乘屬在廟傍是也御史裡行始自馬周以布表令于監御史裏行遂有此名會要曰始于龍朔用王大本爲之

類
即今時于甘衙自行走

南床雜端也 通典言侍御史職有四謂推彈公廨雜事知雜事者謂雜端最爲雜劇食坐之南設橫榻謂之南床或曰卽轉南省此如今掌河南道京畿道也裏行蓋如今之試御史也今稱御史爲烏臺以朱博傳御史府中列栢木常有野烏數千也于文定泥顏氏家訓以爲烏誤作烏智按唐宋來皆用烏府考漢書原作烏字或顏別見一本卯

三院臺院殿院察院也 御史柱周爲柱後史秦爲侍御史監理諸郡亦謂監察御史漢罷監察之名魏置掌八部蘭臺二人居殿中側陞而坐晉復置檢校御史隋改檢校爲監察唐仍隋而置三院一曰臺院侍御史隸焉號臺端二曰殿院殿中侍御史隸焉號副端三曰察院監察御史隸焉號分察三院幾二十員而內供奉裡行各如正員之半宋仍唐三院以知雜爲侍御言事而殿中侍

御六察爲監察近
狀初爲試歷三差
六察察六事又察
察兵工部第三人
二察戶口帳籍賊
能六察黠吏豪宗
不出使無以觀能
唐之獻納院宋之
以通政司爲古之
治蓋其職也秦漢
帝命中書省掌制
中爲納言唐因之

抄垂拱置匭以諫議充知匭使中丞爲理匭使天寶九載改爲獻
納使宋雍熙改匭爲檢景德改登聞檢院命直學士張詠判又有
鼓院凡文或臣寮閣門無例通進文字并先經鼓院未經鼓院者
檢院不得收接周禮達窮者與遽令鄭司農云窮冤擊此鼓以達
于上則敢諫之鼓此其遺矣匭使屬諫議大夫卽屬閣下省則猶
納言屬也宋又有通進司銀臺司掌受天下章奏進御院進奏院
掌受勅及百司符牒故今稱通政司爲銀臺宋朝通進銀臺司舊
隸樞密院凡內外奏覆文字必關二司狀後進御樞密學士向敏
中請別置局淳化四年以宣徽北院駁事爲通進銀臺司命敏中
及張詠同知二司事發敕司舊錄中書尋命銀臺司兼領之又以
給事中封駁隸通進銀臺司由此觀之通進銀臺其職在禁中或
如今之會極門收本之文書也明德元年文德殿兩廊門賜名左

右嘉福又東西上閣門內正南門曰左右長慶北曰左右嘉福次北門曰左右銀臺學士翰林院在其內李肇記學士出銀臺乘馬是也

大棘廷尉也 有虞曰士夏曰大理周爲司寇秦制廷尉漢景夏名大理武帝復名廷尉哀復名大理後漢復名廷尉蓋漢無司寇故廷尉爲重有正監及平調廷尉三官隋名大理寺唐宋因之宋有大理獄官左斷刑右治獄分左右廨廨各五案鄭氏綺談云大理曰大棘晏公類要云棘司近日既有刑部又設大理寺與都察院稱三法司有大獄則公斷之

漢以後之九寺棘卿非三代之九卿也 夏商九卿周六官與三少周禮朝士掌外朝之法左九棘孤卿大夫佐焉六卿三孤也漢襲秦自丞相御史大夫外有正卿九太常光祿勳衛僕太尉廷尉

鴻臚宗正大司農少府亦曰九寺大卿又至十二卿有執金吾大長秋將作大匠魏晉宋齊如舊梁置十二卿北齊九寺唐亦因之皆曰棘卿宋設九卿皆以爲命官之品秩而無職事元豐正名始有職掌中興以來併省冗職除太常寺大理寺不隸外宗正以太常兼而衛尉并工部太僕併駕部太府司農併戶部光祿鴻臚并禮部紹興復置太尉司農餘遂廢廢之是也今制以六部都通大爲九卿此外則太常太僕光祿鴻臚尚寶而已

三珪之佐謂三卿皆執珪也 楚昭王迎屠羊說以三珪之佐藻衣花綬卿服也 漢官儀曰衣裳卿大夫藻火又曰綬青地桃花

尚書裏行太常也 秦爲奉常景帝六季改爲太常漢官解詁曰太常爲九卿之首職略曰太常在六曹之下與尚書丞郎同次謂

之尚書裡行屬有大樂令大予雅樂郎大祝太宰今用太史令太卜令醫令太官令

漢有宗伯乃宗正卿非禮部也

漢平元始五季詔曰宗室自太

上皇以來族親各以世民郡國置宗師以糾之致教訓焉二千石選有德義者以爲宗師考察不從教令有寃失職者宗師得因郵亭書言宗伯請以聞晉灼曰宗伯宗正也近時宗人府以勛戚領之周語曰仲山甫曰古者司民協孤終司商協名姓注司商掌賜族受姓之官此卽宗正之職矣

今之光祿寺非昔光祿勳漢之光祿勳乃秦之郎中令也

秦郎

中令掌宮殿掖門戶漢夏名光祿勳解詁曰勳之言闡也此解不通北齊曰光祿寺兼掌膳食帳幕唐龍朔改司宰光宅改司膳自此與光祿勳絕特襲其名耳宋仍唐元豐官制屬有大官令上林

司而自宋及元復有宣徽院客省使亦掌燕饗饗餼前代初置宣徽院後改光祿寺與古懸遠而進階有光祿大夫猶古遺意也漢光祿勳屬有諫議大夫中郎三將郎中三將騎郎將羽林令監奉車都尉騎都尉謁者光祿郎表有中大夫太初改光祿大夫

大農令秦之治粟內史也漢因秦置景帝更名大農令武帝更

名大司農掌錢穀貨幣以當時無戶部也屬有太倉令均輸令平

準令都內令藉田令導官令幹官廩犧令騶粟都尉市長導官主

春御米及作乾糲

詳下條

幹官幹鹽鐵也

秦漢之少府猶周之玉府內府也掌山海池澤之稅名曰禁錢

志曰掌中服御寶貨珍膳屬有符節令大官令尚食五尚太官獻

丞湯官令丞樂府令若盧令莊戈令織室令黃門令給事中鉤盾

令尚方令御府令掖庭令守宮令上林令凡太醫大官守宮上林

通雅二十四
四官屬少府自侍中至御史皆以文屬焉宋中興裁司農少府併于戶部極是惜又復之耳

秦漢之衛府周之宮正也 掌宮門衛屯兵實宮正之職而秦則中令亦掌宮殿掖門戶或曰亦宮正也錦衣衛攷略以爲郎中令似錦衣之職此特謂羽林屬之耳漢表自有中尉太初更名執金吾掌循徼京師有緹騎二百人朕今錦衣衛司朝內鹵簿護衛則正兼衛尉之任矣而唐之內宦主軍如神策軍使正中尉也古今之官名相倣而職掌不同安能強定而合之乎衛尉屬有公車令大誰長衛士令衛司馬衛候旅賁令

執御前驅猶古太僕之遺意也 周禮有太僕下大夫掌正王之服佐出入王之大命王出入則自左馭而前驅周穆置太僕正以伯冏爲之秦特襲其名耳漢太僕領五監六廐王莽改太御後漢


復名太僕天子每出奏駕上鹵簿用大駕則執御魏因之晉宋不
嘗置郊祀則權置執轡事畢則省唐領乘黃典廐典牧車府等四
署天下監牧置八使宋初輿馬之政分隸郡牧騏驎院太僕但掌
天子五輅屬車耳今之太僕則竟管馬政矣漢太僕屬有騎馬令
未央廐令考工令車府令牧師苑令

漢之鴻臚秦之典客周官之大行人也 周官有行人掌大賓客
之禮象胥掌蠻夷閩貉之國使秦有典客掌諸侯及歸義蠻夷卽
是官也漢名鴻臚應劭曰鴻聲也臚傳也屬官有行人譯官別火
三令丞及郡邸長丞凡事之尊重者遣大鴻臚而輕賤者遣行人
也景帝改名大行令成帝更名大鴻臚秦有典屬國成帝併入大
鴻臚隋開皇廢之入太常尋復置唐曾改司文司賓皆復舊領典
客司儀二署宋南渡併入禮部近代鴻臚卿專爲臚贊之官士夫

不歷此官惟南都之鴻臚卿爲大老迴翔之地耳周行人司聘問春秋列國皆有之風俗通曰周秦以八月遣輜軒之使采異代方言皆是也藝文志曰縱橫家者流蓋出于行人之官秦漢以後奉使者不名行人如巡行之博士直指之繡衣觀風之八使按察之六條其職尊其事重矣今日之行人司正古行人職也

漢之謁者今鴻臚之職也 僕射爲謁者臺率常侍謁者五人謁者三十人初爲灌謁者滿歲爲給事謁者表曰掌賓讚受事智以爲正鴻臚鳴贊之事也而漢鴻臚屬國之職則今有提督四蠻館屬之太常少卿

舌人譯官也 周語使舌人體委與之注舌人能達異方之志象胥之官也周禮大行七歲屬象胥諭言語司農云象胥譯官也漢志象來致福注象譯也漢表典屬國屬官有九謹令



將作少府周官之匠人也 景帝更秦之將作少府曰大匠光武省以謁者領之章帝復置隋改監匠爲大令唐復爲匠宋建炎併歸工部紹興復置

節度開府賜旌節者也 唐初道有將一人曰大總管已更名大都督太宗時行軍曰總管在其本道曰大都督高宗永徽都督帶使持節者始謂之節度使朕猶未以名官通典曰自景雲一季始以賀拔延嗣爲涼州都督充河西節度使通鑑綱目景雲元季冬以薛訥爲幽州經略節度大使節度之名自此始考孫權初置節度官使典掌軍糧漢順帝時成都太守趙冲平羌有功詔冲督河西四郡兵爲節度節度之義起此質帝時以滕撫中郎將都督揚州軍事都督之義起此唐高宗儀鳳元年遣大臣分道巡撫以宰相來恒爲河南道大使薛元超爲河北道大使左丞崔知悌司業

鄭祖玄爲江南道大使後又謂之存撫于文定曰此巡撫所由起也智謂名義已起于後漢事任已起于魏隋通鑑與實錄皆載或德元季淮安王神通爲山東道安撫大使山東諸軍竝受節度曾要載或德中唐儉爲并州道安撫大使李靖爲嶺南撫慰大使鄭善果爲山東招撫大使又後魏太和中廣陵王羽持節安撫六鎮酈道元慰撫關右隋楊素爲河北安撫大使豈必以存撫之名爲近于巡撫哉其實自黃帝以四監舜以五長周以十連秦漢而後名稱雜出漢文遣丞相出刺光武置部刺史察州宣帝置部護加官魏文置都督軍事或領刺史晉或置大都統後周改總管此後廢大都督府置大行臺卽節度也貞觀別置經略又遣人使巡省則有巡察安撫存撫諸名元和置宣撫宣慰大中置招討要之使名雖多而主其事任者道止一人而已加官有大小大至使相其

曰開府一也嗣是有以邊陲開府以總制者卽古制置總管都督節度宣撫等也有開府以巡撫者卽古安撫等使而專省提封亦有都督節度之權特官次于總督猶之魏晉大都督爲上次有監將軍督諸軍使持節與假節隋有大都督師都督都督也時有宰相經略開府者卽古大都統招討使相也有以鹽法屯田漕儲河渠開府以總理者卽古總領經制度支營田之任也開府之名昉于魏黃權以車騎將軍開府儀同三司是也唐初遣御史按察十道卽今之巡按大二十四府都督卽今之巡撫已復停止改爲五十四道采訪使以刺史領之又一變也宋宣撫甚重卽今總制也鄭剛中爲宣撫副使大將吳璘官至少師請講鈞敵之禮剛中曰少師雖尊猶都統制耳倘變常禮是廢軍容璘乃惶恐詔命曾見邊帥于制府猶此禮也元用御史臺言各路按察歲二月分巡按